

家

藏

蒙

筌

—
—
—

家藏蒙筌卷十一目錄

婦科

辨分經養胎

安胎

惡阻

子腫子氣子滿脆脚皴脚治

激經胎漏尿血

子癰

胎不長

子死腹中並下胎

鬼胎

生育

催生

盤腸生

胞衣不下

產門不閉子宮不收

產後血暈

產後

產後惡露不止

產後傷食嘔吐

產後發熱

產後寒熱

家藏蒙筌

卷十一目錄



產後自汗頭汗

產後氣喘

產後瘕病

蓐勞

產後大便秘結

產後癰疽

乳門

乳汁不行

乳汁自流

吹乳

隔蒜灸法

乳癰乳疽乳巖

婦人前陰類

陰挺

陰腫

陰痛

陰癢

陰瘡

陰痔

陰冷

交接出血

熱入血室

丹毒

家藏蒙筌卷之十一

後學王世鍾小溪氏纂輯男迪古久瑞校訂

辨分經養胎

古書多以分經養胎爲論者殊屬不合不知人自受胎於母腹則手足十二經脉氣血周流俱養胎元豈有逐月分經某經養某月之胎有是理乎夫受胎之後實猶太極渾然包羅萬象陰陽之氣氤氲浸漸化生而成子母分形正如草木成熟殼解蒂落自然而然之實理也故分經養胎之說溪不具載

安胎

安胎之道有二一曰母病一曰胎病凡因母病以致胎動者但

療其母母安則胎自安若因觸動胎病以致母病者但安其胎胎安則母自愈矣

丹溪曰胎前當清熱養血為主理脾疎氣爲兼蓋脾健則氣血易生氣順則營衛調和主以清熱養血兼而治之則胎自安矣但有三禁不妄汗妄下妄利小便是也蓋恐過汗亡陽傷氣過下亡陰傷血利小便傷津液也然又當隨症詳審表裏虛實寒熱以施其治不可過峻也

固胎煎 治肝脾多火多滯而屢墮胎者

黃芩

白朮

土水炒各二錢

當歸

白芍

阿膠

炒珠各一錢半

陳皮

一錢

砂仁

姜水炒五分

水煎服

胎元飲

治婦人衝任失守胎元不安不固隨症加減用之當服一二劑極妙凡胎不安者皆屬血氣虧虛宜用此

方為主

熟地 三錢

當歸

白芍

杜仲 各二錢

白朮

半 土炒 二錢

炙甘草 一錢

陳皮 七錢

人參 二錢

水煎服。如下元不固而多遺濁者加山藥補骨脂五

味之類。如氣分虛者倍白朮加黃芪但芪朮氣浮能滯

胃口若胸膈飽悶不快者須慎用之。如虛而兼寒多嘔

者加炮薑。如虛而兼熱者去杜仲加黃芩生地。如陰

虛小腹作痛加紅杞。如多怒氣逆者加香附或研仁亦

妙。如有所觸而動血者加川續斷阿膠。如嘔吐不止加半夏生薑

安胎飲 治妊娠五七個月用數服可保全產

人參

白朮炒

當歸

白芍

紫蘇

黃芩

酒炒各三錢

熟地三錢

陳皮

砂仁各一錢

炙甘草一錢

川芎一錢半

生薑水煎服

保全湯 此方胎至九個月服一二劑產時再服妙不可言

當歸一錢半

川芎一錢二分

厚樸七分姜水炒

枳殼六分麩炒

鬼餅二錢

艾葉五分

川羌活三分

貝母一錢搗碎

荊芥穗八分炒

黃耆七分蜜炙

白芍一錢二分炒

甘草五分

生薑三片水煎服

安胎散 治妊娠卒然腰痛下血

熟地

艾葉

醋炒

白芍

醋炒

黃芪

蜜炒

阿膠

炒

當歸

地榆頭各三錢

川芎

錢半

炙甘草

錢半

生薑紅棗水煎服

泰山磐石散 治婦人血氣兩虛或肥而不實或瘦而血熱或

肝脾素虛倦怠食少屢有墮胎之患此方平和兼養脾胃

氣血覺有熱者倍黃芩少用砂仁覺胃弱者多用砂仁少

加黃芩更宜戒慾事惱怒遠酒醋辛熱之物可永保無墮

○徐東臯曰婦人懷胎二三個月慣於墮落名曰小產此

由氣血兩虛臟腑火多血分受熱以致然也醫家又謂安胎多用艾附砂仁熱補尤增禍患而速其墮矣殊不知血氣清和無火煎燥則胎自安而固氣虛則提不住血熱則溢妄行欲其不墮得乎香附雖云快氣開鬱多用則損正氣砂仁快脾氣多用亦耗真氣况香燥之性氣血兩傷求以安胎適又損胎而反墮也今惟泰山磐石散千金保孕丸二方能奪化工之妙百發百效萬無一失故表而出之以爲好生君子共知也

人參

黃芪

蜜炙

當歸

川續斷

黃芩

各二錢

川芎

白芍

熟地

各一錢六分

白朮炒三錢 炙草

砂仁姜水炒各一錢 糯米一勺

水煎空心服但覺有孕三五日常用一服四月之後方無慮也

千金保孕丸 治妊婦腰背痛善於小產服此可免墮胎之患

杜仲四兩同糯米炒去絲另研 川續斷酒洗二兩

右爲末山藥糊凡桐子大每服八九十九空心米飲下忌

酒醋惱怒

加味四聖湯 治因熱邪胎漏下血

條黃芩 白朮 阿膠炒 白芍各三錢

生地四錢 砂仁錢半 艾葉二錢醋炒 燈心水煎服

惡阻

婦人受孕月餘之後惡心嘔吐者名曰惡阻因胞門閉塞臟氣挾胎氣上衝於胃故爲嘔逆等症及三月餘而不嘔吐者何也蓋胎元漸大臟氣僅供胎氣不得上逆也若無他病擇食者須隨其意而與之輕者過期自然而愈不必服藥重者須知其人胃氣弱而兼滯方有此症當審其或因胎氣阻逆或因痰飲阻逆與夫兼熱兼寒而分治之若愈治愈吐者當用仲景法停藥月餘自安

千金方有半夏茯苓湯茯苓丸治惡阻近來少有服者因半夏能動胎胎初結慮其辛燥易散也須薑汁炒以制其毒凡惡阻

非半夏不能止故仲景用人參半夏乾薑丸羅謙甫用半夏茯苓湯朱丹溪謂肥人多因痰瘦人多因火用二陳加減並治胎前惡阻痰逆嘔吐心煩頭眩惡食俱效經云有故無殞是也立齋曰半夏乃健脾氣化痰滯主藥脾胃虛弱嘔吐或痰涎壅滯飲食少胎不安必用半夏茯苓湯倍加白朮安胎健脾常用甚驗也惡阻兼腰痛者防胎墮下尤宜二陳四物加條芩白朮和中理脾爲主不可升舉蓋嘔逆氣已上升藥再上升則犯有升無降上更實而下更虛益促其墮矣

半夏茯苓湯 治妊娠脾胃虛弱惡阻嘔吐不止

半夏姜水炒 陳皮

白茯苓各三錢 砂仁錢半姜水炒

甘草

炒七分

生薑三片紅棗三枚烏梅枚引服三劑用茯苓丸

茯苓丸

治妊娠煩悶頭暈聞食吐逆或胸腹痞悶

赤茯苓

人參

桂心

乾薑

炒黃

半夏

姜水炒

橘紅各二兩

白朮

土水炒二兩

甘草

火煨二兩

枳殼

炒二兩

右為末蜜丸桐子大每服五七十丸未飲下日三服

保生湯

治胃虛惡阻胎氣逆上嘔吐

白朮

土水炒

香附

搗爛薑水炒

陳皮

烏藥

各三錢

砂仁

錢半姜水炒

甘草

炒一錢

生薑水煎服○若氣弱者量加

人參氣實者量加枳殼○若吐甚者加丁香一錢

加味六君湯

治惡阻因於痰飲者其吐必多痰水且心煩頭

目眩暈宜服此方

人參

白朮

土水炒

茯苓

陳皮

半夏

姜水炒各三錢

甘草

炒一錢

藿香葉

二錢

枇杷葉

試之毛姜水多二錢

砂仁

姜水炒

枳殼

麸炒各一錢

生薑三片水煎服

凡人所稟之臟氣不同寒熱亦異是以治貴乎活法而不可執法也萬病皆然即如惡阻一症有一婦人久吐不止診其脉微遲無力肢冷喜熱知其為寒氣所逆也用附子理中湯而愈又一婦人久吐不止診其脉洪數有力右寸尺尤甚煩渴喜冷知其為熱氣所逆也用生麥清熱而愈

附子理中湯

見補益門

生麥清熱湯 治虛火上逆惡阻吐酸等症

生地黃 三錢 麥冬 去心三錢 條苓 生白芍

知母 各二錢 白茯苓 錢半 橘紅 一錢 水竹茹 用新鮮竹去青取向裏黃皮

甘草 五分 燈心引水煎服

加味平胃散 治孕婦傷食停滯胸腹胃脘之間作痛

厚樸 姜汁炒 蒼朮 米泔浸炒 陳皮 炙草 枳殼 麪炒

草菓 火煨去殼搗碎 神麴 生姜水煎服若大便結日久不通稍加芒硝大黃以通之然必倍用甘草以緩制其峻性庶不傷胎

玄胡四物湯 治婦人腰腹作痛胎動下血

玄胡 搗爛酒煮炒一兩以此為君定痛保胎 當歸 熟地 各四錢

白芍 川芎 各三錢 水煎服

○婦人胞蒂繫於腰凡腰腹痛者須防胎墮當酌量安之

子腫子氣子滿脆脚皴脚治

頭面一身浮腫小水短少者屬水氣爲病名曰子腫自膝至足腫小水長者屬濕氣爲病名曰子氣徧身俱腫腹脹而喘在六七個月時者名曰子滿但兩脚腫而膚厚者屬濕名曰皴脚皮薄者屬水名曰脆脚大凡水之爲病多喘促氣之爲病多脹滿喘促屬肺脹滿脾也以其人素有水氣濕邪故受孕有腫滿之症若胎未成形被水浸漬其胎每至損壞若已成形尚可調治故在五六月後有是症者多能生育以上諸症皆宜用茯苓導水湯治之

茯苓導水湯 此方和脾肺而利水濕故能治水濕之腫

茯苓

檳榔

猪苓

砂仁

姜水炒

廣香

磨對服

陳皮

澤瀉

白朮

土水炒

木瓜

大腹皮

姜水洗

桑白皮

蘇梗

生薑水煎服○若脹甚者加枳實以破結○若腿脚腫者加防杞以除濕○若喘者加苦葶藶以泄水

子煩

知母飲 治孕婦別無他症而時心煩者因胎中鬱熱上乘於

心也宜服此方

子黃芩

知母

麥冬

去心

赤茯苓